



Minggu, 26 Pebruari 2023

Ogen : Johanes 4:14



Sumbul Si Erburak



Kune muas kita lau tambarna. Kune melehe kita, nakan ras lau tambarna. Lau sada keperlun si la terpesirang ras kegeluhenta. Segar, entabeh, sejuk dengen teneng e me suasana sigejapken adi kita ndeher ku ulu lau. Ndeher ulu lau erbahanca tambah kesehatenta.

Perjumpaan Jesus ras sekalak diberu Samaria deherken sumur Jakup, maba perubahen cara rukur diberu Samaria e. Jesus ngatakan maka kerina kalak mesikel guna nginem lau. Lau e iinem guna nambari muas, tapi seh kari paksana muas ka mulihi. Jesus e me lau kegeluhen. Lau simereken kegeluhen si rasa lalap. Kalak siminem lau sibereken Jesus asa ndigan pe lanai muas. Lau sibereken e jadi sumbul sierburak-burak. Sumbul sierburak-burak la pernah kerah, tetap janah la mobah. Tole sirenungken payo maka doni enda la pernah mereken kepuasan man banta. Enggo dat sada dua min ate, enggo dat dua telu min ate ka, janah enggo dat telu empat reh jorena. Bage-bage me rusur turah i bas perukuren e maka la erpuas-puas seh maka lalap muas.

I bas Jesus kita ndatken kepuasan. IberekenNa sumbul si erburak-burak si mereken kegeluhen si tuhu-tuhu dengen la erkeri-kerin. Lanai perlu ndarami sideban sierbahanca kita puas sabap sumbul e enggo iendesken man banta. Kai siberekenNa e e me kataNa. Kata Dibata e me lau si mereken kegeluhen, si maba kemalemen ate, kepentaren dengen kata penjemba si tuhu-tuhu erbahanca kita la terjeng puas, malem ras sehat tapi lebih asa si e pepaler lau kegeluhen e nandangi kalak sideban.

tetap rembak ras sumbul lau sierburak